

四庫全書

集部

欽定四庫全書

文苑英華卷九百二十五 宋 李昉等 編

職官三十三 長史

周隴右總管長史贈太子少保豆盧永恩碑一首

唐同州長史宇文珽碑一首

唐齊州長史裴府君碑一首

周隴右總管長史贈太子少保 本傳及碑中豆

盧公神道碑 庾 信

君諱永思字某昌黎徒何人本姓慕容燕文明帝旣之後也朝鮮微子之封孤竹伯夷之國漢有四城秦為一侯其先保姓受氏初在柳城之功開國承家始靜遼陽之亂自天市星妖連津兵覆尚書府君改姓豆盧筮仕於魏祖代左右將軍魏文皇帝直寢父長少以雄畧知名不幸早世周朝以公兄弟佐命義存追遠保定二年有詔贈柱國大將軍涪陵郡公是知春雨潤木自葉流根西伯行而疑推存及歿公以山岳精靈星辰秀異氣

倅鐘鼎聲感風雲觀於秦兵尚稱童子對於楚戰猶在

青衿太祖文皇帝乘時撥亂奄有霸業潁州一作昌從我

舊愛無望春陵故人相知惟有普泰二年關西建義授

殄寇將軍奉迎大駕賜封新興縣伯邑五百戶開新安

之郡還移楊僕之關解弘農之圍更入劉昆之郡援桴

併轡並預前驅大統三年有沙苑之戰四年河橋之役

介冑蟻虱戎馬生郊公應一作靈變愈長風颭更勇隱若

敵國強人意授龍驤將軍中散大夫八年授直寢右親

信都督尋轉大都督加通直散騎常侍十六年授使持節車騎大將軍儀同三司魏元年授驃騎大將軍開府儀同三司鄧騭以漢朝親戚始授中台黃權以魏國功

臣初登上將公頻煩寵授朝野為榮三

周書

作二年都督成

州諸軍事成州刺史尋加侍中外摠連帥振威百城內

叅常伯榮高八舍于時隴坻黠羌時穿上谷榆中郡賊

或聚漁陽公卷甲星馳長驅千騎迴洛克徒望風草靡

瓜州豪傑束手歸軍後魏元年改封龍支

乃抱罕郡也周書作來

縣侯三年朝廷使大將安政公隨突厥

一有天
子二字

吐蕃作

谷渾歸國河鄯二州屬當路首公領騎八千以為戎防

南通丹粟西望白蘭關塞無虞公之勲也周元年授都督鄯州諸軍事鄯州刺史其年改封沃野縣公增邑千

戶二年授隴右總管府長史武成元年都督利涉汶三

州諸軍事利州刺史五千兵破文州陽陣蠻仍平瀘水

以保定元年

一有
遣

將兵破巴州恒獫狁度瀘五月葛亮

有深入之兵長坂九迴王尊有忠臣之路霜電不驚水

草無乏天幸將軍斯之謂矣其年授司會八法斯掌九
賦是均事總歲成功參日要三年還授隴右總管府長
史公屢弼英蕃頻相大府北海入朝仰以對問東平謁
帝因而定禮遂使馬首懷燕不無樂毅蕃臣擬漢或多

因疑作田叔兄楚國公以參和挹讓莊贊樂推建國開都

奄荒南服求以先封武陽郡三千戶益公沃野之封朝
廷以兄弟相讓不無前史推恩分邑有詔許焉增邑并
前合四千七周書作五百戶既而六氣相犯五聲相觸靈壽

不終遊魂且變薨於官舍春秋五十八

周書作四十八

詔贈少

保幽冀定相等五州諸軍事幽州刺史諡曰敬公禮也

天和元

一作六

年二月六日葬於咸陽洪瀆州大夫墓樹

以柏諸侯墳高於雉嗚呼哀哉公資忠履孝蘊義懷仁

直幹百尋澄波千頃留心職事愛玩圖籍官曹案牘未

嘗煩委

一作擁

戎馬交馳不妨餘裕兄弟公侯國朝親戚

宜春有湯沐之盛濯龍無流水之機渭南千畝之竹尚

懼盈滿咸

一作池

陽二頃之田常思止足立身則十世可

欽定四庫全書

文苑英華
卷九百二十五

四

有遺子則一經而已刺史賈逵之碑既生金粟將軍衛青之墓方留石麟乃為銘云

朝鮮建國孤竹為君地稱高柳山名密雲遼陽趙裂武
遂秦分寶珪世胄雕戈舊勲名稱賓實言謂身文挺此
含璋降茲岐嶽有犯無隱王道正直唯愛唯敬永成悅
色枕藉禮闈留連學植左傳作殖策參帷帳功披荆棘韓陣
揮戈齊城憑軾豹策乃建龍韜同啓校戰岐陽申威隴
坻城壘畫地山林聚米上馬諭書臨戎習禮賈復開營

廉公屈禮從容傳會占對造請用此廉平終茲寬猛綠
林兵息潢池盜靜名振赤山威高青嶺玄獸浮河飛螟
出境災氣出隴毒水侵涇朝傾地鎮夜落台星石壇承
祀豐碑頌靈渭城前柏昌陵下庭湏知地市為讀山銘

唐同州長史宇文公神道碑 楊炯

諸侯計功其銘曰仲山甫誠

集作誠

于百辟大夫稱伐其

銘曰正考甫恭于

集作於

三命所以揚其先祖所以示其

子孫上古之初刊於禮樂之言中年以降述於宗廟之

祖

集作碑

文質既殊條流遂廣山河永配金石長存或旌

原氏之阡或表滕公之墓觀百林之字者孝廉之舊業

於是乎不愆不忘讀黃鳥之詞者文範之餘風於是乎

可久可大公諱珽字救珉河南洛陽人也宇文歸之遠

派宇文翰之餘秩龍火

集作燭龍

晝夜於鍾山

集作東山

鵬雲南

北於溟海自中州圯圻上國崩離魏氏賜

集作忘

其寶圖

齊人弄其神器則天有成命周雖舊邦天下以業重三

分昭事上帝武王以功成八百陰隲下民車書混一於

域中子弟星羅於海內方於劉澤乃集作天漢之懿親

匹以曹洪即當途之近屬及其集無此字隋室遷鼎重運握

符固亦壇社仍存山河不替曾祖顯和後魏將集作軍

本傳作冠朱衣直閣東夏州刺史車騎將軍散騎常侍

長廣郡本傳作縣公周贈使持節開府儀同三司延丹綏三

州諸軍事延州刺史周書有傳對揚天命保乂王家霍

去病初封冠軍周亞夫始為車騎剖符之重任在於六

條建國之榮禮高於五等祖神舉使持節驃騎將軍開

府儀同三司京兆尹柱國大將軍并路肆

隋地里志屬鴈門郡

石

四州十二鎮諸軍并州總管東平郡公贈少保周書有

傳材優輔弼業贊雲雷晉則羊祜儀同楚則若

集作共

敖

柱國王章之拜京兆天子聞其直言郭伋之涖并州諸

童符其恩信考誼隋文皇帝挽郎皇朝益州青城瀛州

清苑二縣令鈞深致遠直道之詞不汲汲於富貴每乾

乾於日夕廣都蔣公琰非無社稷之能太邱陳仲弓自

有閉門之德公慶成弧矢氣襲芝蘭州則赤山之精照

牽牛於北列

斗集作

鼎則黃雲之寶入天駟於東方資大

孝而立身蘊中和

以集作

成德詞參變化稽百代之闕

文學富圖書閱三冬之舊史司徒袁粲許之以枯柏豫

章處士禰衡目之以椅桐梓漆初任國子生擢第授道

王府參軍兼鄭州參軍事橫經太學射策王庭高陽才

子宣慈惠和之譽武公新邑濟河洛潁之間兼攝務殷

參卿位重王徽之任達國士行車劉簡之博聞中郎寓

直秩滿授遂州司戶參軍事天開并洛地洩江源財

集作

才雄翕習於外區棟宇相望於近甸尹子

集作興

為政知

陸續於賦人黃讜臨官識包咸於數子尋遷絳州翼城
令大梁星野少澤封圻城故絳以深其宮都新田以流
其惡實惟繁劇載佇循良魯國有司無擅徵之事南陽
郡吏罷休沐之娛州府狀聞鄉亭頌德亦由禮讓之化
綿竹於是乎作歌風俗之夷浚儀於是乎刊石稍遷符
璽郎尋奉勅檢校鴻臚本官如故環濟要畧掌天子之
符璽劉熙釋名表京師之心腹是分麾節式贊王侯國

信不差郊迎有序遷尚書職方員外郎夏書禹貢辨其
川澤周禮職方明其物土清晨伏奏幾承題柱之恩閑
夜潔齋惟有張燈之宿詔除朝散大夫晉州司馬尋遷
長史平陽舊縣姑射靈山玉印仍存瑤城未改習鑿齒
之逢宜武三命而踐侍中管公明之謁冀州四見而登
別駕詔遷同州長史河西輻輳渭北膏腴秦地之下邦
漢京之左輔使君何以為政端右宜其得人江統知賢

直言則陳晉阮宣子唐彬

集作林

薦善通理則汝南王叔

度王祥糾合屈公輔之宏材荀羨逸羣杜沖天之勁翮
享年六十有五以永淳元年六月二十一日終于華州
之別業嗚呼哀哉公元亨利貞文行忠信禮樂之君子
儒林之丈夫當在顏冉中求自是風塵外物友于之義
伯淮與季江同寢朋從之道鮑叔與管仲推財優游大
學之中籍甚平臺之下輜車就烈疑化洽於二同油軾
當官政成於半刺道尊德貴而大位不躋有志無時而
天年不永即以其年十月遷窆於鄭縣安樂鄉之西源

嗣子某官等詩禮預聞箕裘早學生則盡其養劉殷積

粟於七年歿則致其哀唐頌絕漿於九日占白鶴相青

烏鄭伯所封有咸林之采地晉侯所輅有河外之城邑

其川渭水而玉璜其鎮華山而金石沓習集作習旃旒紛

紘集作紛紛野田范巨卿則素車來哭韓元良集作長則總麻

設位大夫受梁鴻之命終陪烈士之墳妻子從田豫之

言竟托神人之墓集作冢嗚呼哀哉銘曰

國日東集作有部承家集作家承北平遂荒中縣奄有神京時

逢日溥運改天正二王之後三代之英其一惟宗惟祖有

典有則大魏將軍隆周相國於穆顯考其儀不忒禮樂

宣恩閨門表德其二五才鍾秀百福與賢蜀都集作郡曾子

漢代顏淵公之廣學其積如山公之大辨其流如川其三

親則邴霍地居周鄭人物會同歌謠鼎盛設官外職天

子有命束髮登朝參卿軍集作改政其四江漢之流集作表河

汾之都禮優懸榻任重前樞集作驅六璽為貴皇天降符

九州為廣益地開圖其五平陽土守下部風俗秦晉閭閻

山河軌躅緹油之化海沂之典始聽鷄晨行復驥足六其

龜長筮短吉往凶來賓朋永訣徒御相哀華館無家集作

象玄堂不開青龍水曲白馬車迴其七漠漠古墓郭門之

路槭槭寒桐平林之東天光少日地氣多風凡生物而

必死唯君令始而善集作終其令八

唐齊州長史裴府君神道碑 李迴秀

蓋聞仲弓之德太邱播其英聲休徵之道瑯琊闡其茂績是知利之所博非待殖林而貴名之所遵無假列爵

而重若乃地無崇祿門擅清華邁揭氏之五公冠張侯
之七葉森森棟幹聞謝樹之生庭落落瓌竒見韋珠之
照乘其於裴府君具之矣公諱希惇字虔實河東聞喜
人也有若顓頊遵昌源於長流有若大費啓洪基於敷
土后子保河汾之邑非子據汧渭之封千乘由其克昌
三宰疑所以能霸至如司空領袖吏部清通勢壓八王
名高百秩家風祖德亦何代無其人哉曾祖靜慮世系表作
澄字後魏著作郎諫議大夫散騎常侍金紫光祿大夫
靜慮

汾州刺史謚曰文儀刑雅淡籍甚當時業茂丞鼎功標

彛器祖尼後魏給事中奉車都尉通直散騎常侍贈輔

國將軍隋州刺史道著巖廊功光朝野屬詞留於騎省

追旌彼

疑作被

於外臺父之隱

按世系表希淳乃之爽隋之子隱乃之爽之兄

侍御史上儀同三司駕憲二部侍郎扶風河南二郡贊

治皇大僕司農二少卿武安郡太守始州刺史通直散

騎常侍益州長史會稽縣開國男謚曰安望重縉紳榮

無出內寄隆咨岳任切象河八命遵其袞裳五等列於

蒲穀公承積慶之繁祉稟中和之正性清光初廸照金玉於靈臺雅量甫成鬱松筠於識宇遠慕先王之道繼通賢哲之德弘止水以待物仰高山以立身涯涘莫窺宮牆罕測談諧諷席業優學肄然則幽林之芳必薦於三閣井里之寶自運於十城解褐授普安郡丞轉蓬州別駕君山該博屈伏六安之丞仲舉峻清來從譽州之辟方義比德千載一時除冀州南宮縣令兩河舊殊常之地中冀為絕北之野民俗昌阜政化大行肥野庶問

而識賢孔丘及庭而稱善徙瀛州樂壽縣瀛孺之境風
壤所接人民知方不言自理稍遷雍州鄠縣令王畿之
地帝京是屬子羽捨困於櫟陽無伯祈星於緱氏庶能
之化復如在昔拜齊州長史歷下咽喉華泉襟帶州將
欣其四見王化合於萬里公銓藻品第股肱拜國百姓
又安一變鄒魯奏課連最已申考功之名奉計京師遽
有永明之拜既留郡邸遘疾彌留上藥難逢莫觸疑作
蠲
二豎之害中使罕遇不賭十全之術以永徽元年三月

四日終於長安春秋六十三至景龍年中續戎帝錄禮
穆王姬以公嫡孫遷尚主之故乃下制追贈使持節商
州諸軍事商州刺史魏后悅平叔之才晉皇貪司空之
族寵成外館榮被宗祔惟公豪邁不羣風韻彌劭澄清
內英華外發辨瀉言泉韜光於若納之旨學該書園晦
跡於惟疑之地總六藝之隅輿括百行之樞機質負珪
璋門維軒蓋祖孫流譽聚潁川之德星鄉邑稱高載平
輿之月旦威儀棣棣聲望雅雅猶鄧林之徙植若咸池

之疏派公之宰樂壽也既去之後吏人追思美政遂為
立碣不其頌歌無間於刊勒榆次紀石止事於身後歷
職著聞皆此類焉夫人京兆韋氏贈扶陽郡夫人祖恭
故上大將軍隋州刺史建安公父仁基故綿州別駕龍
州刺史殷伯兆其綿構楚傳開其茂緒朱紱隆可疑及
之暉黃金著經藝之績夫人笄纚式典遵寢門之雅訓
匪盥有行叶宜家之縟禮言容孔備國史聿脩董菑是
奉蘋藻無匱加以深悟空寂大闡迦維究隨順理開決

擇分六姻景行九族式瞻有婦德焉有母儀焉以乾封二年十一月二日終岐州司士官第春秋六十七粵以景龍二年十月二十六日合葬於咸陽之北原禮也嘉耦是合未窮絳縣之壽同穴終窆遽開京兆之阡勅萬年縣令盧齊卿監護葬事并給帳幕手力羽儀鼓吹仍送至墓所贈授制莽疑率禮加於茲日輕車介士盛儀方於昔年有子六人長曰思進位隋縣令贈蒲州長史大僕卿次曰思約位榮州威遠縣令次曰思禮位宋州

穀熟縣令次曰思政太學生次曰醫王位太子僕少曰
思溫太學生荀氏八龍且知慙德東萊千里不足方駕
懷仁服義海內所推曳組簪纓朝中歸美並父從運惟
未及卜宅風煙銷歇霜露霑濡嫡孫選鴻臚卿駙馬都
尉上柱國魏郡開國公行極天經才為世出門題金榜
家振玉簫雕軒繡轂結徹於平陽之第青巾紫綬交錯
於沁水之園當年之盛如此永慕之心如彼夫計功稱
伐里藹於舊聞勒銘刊頌義炳乎來裔豈可使恂櫟靡

述衛鼎無聲爰訪世親俾叙鴻烈其詞云

惟霍之鎮積玉含章彼汾之水神鼎敲光豈獨靈異亦
誕賢良培風直上籥影高驤家聲祖德川流岳峙家聲
伊何載於國史祖德伊何冠乎人紀翕習交映芬芳不
已公之生也克壯其猷勝衣志立弱歲名邁華如琬琰
絕代莫儔郁若蘭蕙亦孔之休如登之堂月將日就詞
高文苑理窮辨囿研味風騷倚撫科籥一日千里一年
三秀筮仕之班應務陟歷為邑累諫列郡成績忘其伎

求晦茲矯敵令聞令望知柔知錫

疑作如
金如錫

歲舟易失傳

薪不停未聞九轉俄愴百齡功著口實德範明經安仁
願誅子玉思銘黑水西流黃山東出季武成寢滕公見
日煙隧蒼茫風柏蕭瑟人世雖謝德音可述

欽定四庫全書

文苑英華
卷九百二十五

十五

文苑英華卷九百二十五

欽定四庫全書

文苑英華卷九百二十六

宋

李昉等

編

職官三十四

揚州長史王公碑一首 果州刺史李公碑一首

桂府長史程府君碑一首

梓州司馬楊公碑一首 溜州司馬鄭公碑一首

隴州司馬楊志誠碑一首

揚州大都督長史王公神道碑 蘇頲

生甫及申思皇多士必訃謨以亮采惟肝嚮幽贊者不
曰才乎君安其才居其業奉丹霄之下濟詞白日之中
辰者不曰命乎霸城王府君諱某字某爰事英主皇皇
我神武金疑期寶臣籍我公輔及揮綸翰乘刀尺宜其
尹天下登宰衡雖克揚其休而不踐厥位何也府君之
始魏安僖王弟信陵君之績秦滅魏謂之王家者遂命
氏焉其後世居霸城族著京兆故得魏藩公子錫胤稱
宗是猶齊國夫人因昌保姓况神臯之表裏刑盛俊城

之相承紱冕固以倜儻卓犖為龍光五代祖罷西魏尚
書令贈大尉相州刺史扶風公紀於周史高祖明遠隋
雍州大中正弘化郡守司金上士銀青光祿大夫書大
旗勒大鼎猗那成績繁衍重世曾祖壽隋州都七職主
簿隋氏淪胥煬皇板蕩竟全孤竹之操不敗幽蘭之芳
祖喜唐世系
表作詰皇朝晉州司倉參軍同州河西縣丞父慶
趙州房子冀州棗強二縣主簿文秀儒雅韜光鏟跡雄
雌之歎則聞鸞鳳之栖未遠公八歲工詩賦十五讀典

墳十八歷涉代史十九初遊太學二十升甲科三傾五
城一日千里詣選部冊天門出九流之先當萬夫之特
授亳州城父尉且未光也無何棗強府君不祿毀將形
骨扶杖於家者三載哀不絕聲倚廬於墓者六祀古曾
子死事之中今老萊生事之極思奉檄以盡養顧瞻疑
裾而足恥庭闈何適有南山之隱路黌塾不倦有北海
之儒門教子弟學成志立蓋云十數而府君雲卧林棲
傲然肥遁迫於從父之命就以賢人之辟授華州華陰

縣尉復冊甲科轉京兆府華原縣尉換華原丞廉問之
舉屈為之佐殊尤之薦用冠於首擢拜左臺監察御史
王憲斯執國刑不紛一歲遭內艱如在先考之戚禫闋
制復舊倖臣左補闕何輝圖怙勢作奸頗盈罪惡府君
直言正色莫避權寵簡墨條奏當朝允之遷殿中侍御
史無何拜尚書戶部員外郎轉祠部主爵考功三郎中
邦有教謂之安國有祀謂之事則人祇之政罔弗恪邦
有等謂之爵國有功謂之課則賞罰之旨罔弗齊自非

貞迺應物敏於成務疇能振景拔萃川渟岳立主上旒
冕而思一以寰宇腹心特重其掖垣故近密委於侍臣
緝諧連乎小相拜給事中轉中書舍人剗犀兕者其議
可以斷割賦鷓鷯者其言可以遠大况天詞往復行於
中旨人望虛佇期以上台姑試之劇備觀周美遷兵部
侍郎回翔要津拂拭夷路消長容其正忠邪順其直戎
昭者有畢力之師彛序者無曠負之人以東南封圻淮
海殷雜雖陸攝水標填於委輸而風果氣銳懲以剽輕

巨鎮何有繁公則賴乃出為揚州大都督府長史陽秋
信風雨若不競不練有倫有要化之為最理念於茲嗚
呼景命不融流年孰返以年月日遘疾終於府之官舍
享年六十府庭颺戀問巷聚哭攀舟楫以咨嗷越江關
之重復名流常化雅俗追嗟嗚呼以為當代所歸禮謝
於陳在豈謂逢時共許愛深於產卒夫靈龜明鏡可以
決疑駟馬拱壁不如進道牽於彼則疑已釋存乎我則
道已用府君是以真毛髮之愆徵膏肓之疾加以博聞

好古精義入神有夫子之文章得吾家之書籍

闕

富山藏當工篆體間以琴德不揮穎而好事者珍每

成聲而知音者寡

疑作賞

身歿之日所纂集二十卷自彈

琴几數張俾後代美其華旨其實垂芳塵之菴藹採嘉

頌之洋溢其高致歟粵開元十五年龍集於卯仲春日

晨卜葬於京兆咸陽洪瀆原禮也周之董原漢之槐里

丹碑已刻青櫬成行子八人長曰有次曰寔並行齊曾

閔聲軼元季徵昔有八子之名喪有二連之善府君之

仲著作佐郎敬從者季太廟丞擇從者敬也瑚璉之器
擇也金玉其相稱之真披文之實記吾人早遊學序曾
比義於青襟晚哭寢門匪致能於黃絹辭所不獲強為
之銘曰

高惟雍兮大曰京遷王氏兮著霸城或公或侯散佩垂
纓子子孫孫府君挺生其德有必綜才無不括勝情風
翔偉量河濶帝曰俾乂求賢如渴公其哀然藏器以達
其三才疑清憲清憲攸歡四趨明光明光孔彰並躋雙

掖雙掖忠益皆掌二柄二柄方正其爰迴濞司迺蒞揚
都政既成矣公嘗邁乎輔我皇極奮於天衢柰何不藏
違世而殂噫世閱人之不息兮人違世之遂即獨四塞
之山川兮盡千年之封域噫古之不朽記載是力撰懿
圖芬兮清虛廣直五琪

故果州長史李公神道碑

張九齡

公諱仁瞻字某趙郡房子人其先自段干木至伯仁侯
皆以淳德茂功奮於上世始於藩魏終而將趙其名不

隕遠

集作遂

作

濟於今五代祖後魏中書侍郎始豐

唐世系表同此

集作對 公璨璨生徐州刺史始豐慎公元茂元茂生

趙郡太守府君諱鳳昇

字表作子鳳昇

生駙馬都尉直閣將

軍府君諱道宗道宗生齊尚書兵部郎中府君諱山壽

公即郎中府君之子仍世致美在邦攸宜故我公稟靈

中和履道元吉以學則探其奧旨見聖人之心以行則

踐其嘉言合君子之度以故動為人譽名乃日宣義府

孔修德輿云遠故未可量也隋大業中舉孝廉洎唐興

調棣州司戶參軍磁相二州總管府戶曹參軍莫不事
人以直反身於誠處卑能安敬長則順故光輔郡將周
爰我咨自州徂州或嘯或諾既而遷金鄉晉陵二縣令
敏集作識以庀事善教以長人四封用孚三英以繁彼
蒲與密獨何有焉以課最遷歸州治中郢州司馬加朝
散大夫行果州刺史盤栢參佐未復公侯道非吾行德
不集作必貴遂以沒代豈命也夫某年月卒於官舍享
年若干及喪至自蜀而塋不歸趙乃卜宅於許封樹汝

墳子孫遂家亦既重世至開元中公之孫曰察以古諸
侯之祿奉先大夫之祀晝遊本郡輝光前烈非清白以
遺善慶之餘保艾爾後人亦何以臻此於是履霜為感
恭惟春秋之事刻石是圖俾揚祖宗之業斯善繼者也
叙而志之銘曰

長史英英作為世程動合雅度休有令名以之入官從

事而昇集作以之佐郡為政孔明悠悠上天曷不貴德

終於參佐孰云邦國孝孫其昌餘慶乃彰宰集作樹蒼

蒼徽音不忘

桂州長史程府君神道碑 李邕

觀厥品目異等業尚獻臣天與才名神福壽考而中留
官序小徃代艱位不極乎多能績未宣其利用戢駿翮
韜良工悲聲起於絕絃泣涕形於抱玉自傷楚老豈獨
公明而已哉公諱某字某廣宗新安人也其先出自顓
頊重黎之後周之休父入為司馬漢之不識擢居衛尉
至若昱輔魏主嬰立趙孤奉日以納忠殺身以明節精

誠發於寤寐義烈冠於人倫宜其貽謀克家寵光形圖
業與時並名與功偕者也五代祖響府君陳襲重安侯
隋蕭縣宰四代祖育府君隋車騎將軍曾祖甘府君隋
涿郡主簿大父弘府君皇朝安陽令考大辨府君泗水
六合二縣宰撰東征記兩卷藏之秘省莫不託宿元德
從事老成典學積於蓬山能賦秀於詞苑府君令始家
則光有國庠博通全經悉數賢行孝曰曾子文似相如
下筆不休違言無擇陳平長者把臂每多田蘇好仁引

繩相重解褐徐城尉始入仕也旋應王臣昇第遷宋城
轉櫟城簿王畿政重帝告事先握札雲飛聽訟風靡載
擢來庭長安二赤縣尉搏銜御黠夙駕承天驚暗若神
應封猶響籍聽擢左臺監察御史仁克寬仁無害恥為
諛刻雅欲優閒朝廷許之轉詹事府司直歷城直歷城
門郎長杜武進朝邑曲沃好疇雲陽宰六縣皆代工開
化順時布和慎簡里胥周省條簿其清水鑑其坦砥平
從心術以外形隨手妙以旁發人樂新政俗勸古風載

遷魏州司馬靜守憲矩審喻察寮官師有章人吏不黷

疑作黷

屬右族黜免徹嗣姻連奏引諫書醜詆宰輔選其

頗正其奸贓志士寒心明家質首左遷府君饒州焉謫
子昕崖州舍城尉俄轉府君桂府泊島夷干誅天師問
罪憑險毒送死阻兵昕乃不俟檄徵自促銳陣挺身而
當矢石投面而覆寇讎馬旋泥中人走岩下憤氣雖作
救兵莫臨劒交於胷戈達於腋其命則殞其目不瞑嗚
呼爭首謂忠供養謂勇倉卒歸盡零落無成有感路人

愍悼慈父沉悲生疾積痛傷年猿堪斷腸烏可銜木人
非命也天何問焉以開元十六年十月五日奄徂化於
官合以某年月日反塋於其原舊塋禮也夫人廣宗潘
氏封某縣君即銀州刺史寶勳之息女柔慈孔嘉貞淑
丕訓是佐君子宜諧永年桃李早零栢松同附子皓曜
曦等並才彥惟有名教克開優游翰墨之場造次仁義
之域宅憂殆滅追孝有望匍匐昭親哀迷紀石邕以披
顏友道列坐詞人談笑未終存歿相訣情也有慟涕之

無從雖不工於文將達其義詞曰

曾源積兮流彌長高闡慶兮齡亦壽命不泰兮時未將
何寵祿之中否從政理之孔臧坐踈屬之嬰累重愛子
之飛章遭一門兮二謫備周歲兮兩喪寄永懷兮身後
唯沒代兮名揚

梓州司馬楊君神道碑

陳子昂

君諱越字復珪弘農仙掌人也其先帝高辛氏之裔周
有天下晉受其封至宣公伯喬早基揚國若乃彤弓茲

矢玄鬯赤芾則禮命之樂歌之崇天王之寵光保元侯

之福

休一作

祉其後十六世

代一作

有揚寶者天賜黃鳥授

以白環若曰令君子孫世登三公迨震秉彪賜四代五

公烈光照於漢室盛德充于海內金圭銘鼎至今為弘

農世家也高祖椿魏尚書右僕射開府儀同三司司徒

公進位太保加侍中給後部鼓吹致仕歸邑賜安車駟

馬傳制三

二一作

人可謂國之元老帝之師臣功成名遂

社稷之寶曾祖思善齊通直散騎侍郎贈中書侍郎祖

敬通鎮遠將軍鄭州治中邛州別駕父居同隋蒲州芮
城縣令皆國書舊史列於名節公即芮城縣君之第二
子也少而冲疑苦節真素家無玉帛室有琴書聞少連
之風而悅之庶乎身中權行中清上以際乎天下以敦
乎物不應州郡之命有金玉之心嘗嘆曰以明珠彈千
仞雀吾不能也是觀寶龜之象心滅朶頤探金虎之爻
志在幽履遂去家遁於高山經十餘年丹仙白雲之志
渺然矣屬太宗文武聖皇帝初臨天下物色幽人 闕 山

傍道網羅遺逸君子若曰天下有道可以見矣於是始以角巾應命褐衣謁闕陳大道之閱暮論至言之閭奧

四字一作公於天下帝曰俞爾言乃可底行若歲大旱用汝作霖

雨今南山近塞北漢連兵石州邊烽皇化未謐汝往欽

哉輯乃人禦乃敵以息匈奴之患始解褐授石州方山

縣令樽俎在堂干旄在階布大信於獯戎示折衝於衽

席威名震曜乃升聞也一作勅有詔徵授憲臺監察御史

綉衣始拜珥筆升朝臺閣以之生風豪貴由其斂手又

勅授中書侍御

一作侍制

未幾又遷秘書郎直中省如故遊

鳳皇之池觀蓬萊之府是天下之榮踐也又轉

闕

宗正

寺丞居歲餘帝思南史之才將崇東觀之美又遷起居

郎驍騎都尉龍朔中天子將觀兵於東夷以復先帝之

業凡居中者多出守旁郡是歲授公朝散大夫除冀州

司馬同知州事於時天下雌韓而雄魏將壯武帝

疑衍

而

柔文公始厭承明出臨外郡探九壘而犯禁崇奸欲嘗

朱博之能以親

疑作觀

龔遂之政公深鈎潛往英機立斷

短服赭裾於是乎理麟德中兼授梓州長史蓋在華之

南區彭之北鄙豪俗侈靡政削

閔 緩一作

攢六國之遺

眊雜三巴之中壤公下車問道觀風立政先之禮讓教

以詩書抑浮窳禁冗食堂叩鐘磬家擅山川莫不為之

節制行其典禮來暮之頌復起於斯時高宗大帝方接

千載之統升中太山玉帛雲趨朝者萬國預陪金蹕拜

侍瑤壇白雲既封皇慶斯洽加朝議大夫餘如故太上

旋命御駕來歸殷楹夢奠遇病薨於官舍時年六十四

嗚呼哀哉遺令薄塋不藏珠珍孝經一卷堯典一篇昭
示後嗣不忘聖道即以某年月日塋於西嶽習仙鄉登
仙里西麓遵遺令也嗣子嘉賓等哀號哭血柴骨戀心
緬維罔極之恩思榮永錫之道以為君邱于役無助冥
因季由之嘆空勤負米於是考群聖之典擇衆妙之門
求所以昭報幽扃贊祉冥籍則云金仙慈救寶手來迎
若德崇於此則功濟於彼是用歸誠真諦祈祐能仁箱
鐵圍而寫容描金蓮而得象於登仙麓之塋則造阿彌

陀像一區座高三丈并衆變菩薩天人畢備全金湧出
象寶裝嚴雲仙鬼神周羅上界珠幢羽蓋圍繞中天蓋
所以丕顯尊靈光昭惠葉達人之事畢矣孝子之事親
終矣銘曰

巖巖太嶽浼浼長河歆雲涵霧涵靈貯和陽侯之國宛
其中阿子孫瓜瓞軒蓋駢羅四代五公自于伯起蟬聯
彪懿令問不已二千戶侯三十刺史世濟其榮至我君
子峩峩君子皎有令光不寵我組而括其囊洗心岩遁

抗迹雲翔冥鴻來遠白駒在場解我薜蘿綰我墨職邊
朔多虞獫狁孔棘之子之往允威允得干旌在階烽火
罷色行行驄馬繡衣之光烈烈董狐司史之良而我君
子總其徽章出同嚴助政穆王祥雄魏既康鄴蜀獨侈
攬轡言邁題輿載理尺兵允戢亂繩攸靡天子登封拜
服玉趾大禮既畢西歸遲遲歲亦秩止天不憖遺呼呼
叱吏號泣漣洏曷其往矣來暮歌思斃斃孤子棘心哀
疚永號昊天渺泣冥祐蓮花之國金池玉雷崇此香緣

生彼荷秀全金既湧衆寶斯裝考墳其後叔瑩其旁香
花園繞松栢成行千秋萬歲祚祉無疆

中散大夫行淄州司馬鄭府君神道碑

張說

五岳可涉唯德也謂之崇高萬物皆化唯名也謂之不
朽若夫行欲蓋而德彰道無求而名立嘗聞其語今見
其人公諱某滎陽人也華州刺史襄成公偉之曾孫蒲
陽太守太濟之孫荊州刺史乾符集作之子在昔周王

敦序九族封邦

集作邦

懿親於鄭維時鄭伯敬敷五教賦善

職於周其後蕃衍儒門光華士族盛行西域名震京師

入則天子授經出則單于抗禮公揭日月表山川體二

氣之清淳納百代之層慶越在岐嶷異於常童既以冠

帶遊皆長者初以門子宿衛解褐涼州參軍轉嘉州司

士又宰鍾離嘗陽二縣皆秩滿兼攝江陵朞月政不改

俗官不易方羣盜出奔遠人來附其所處也入境開愷

悌之風

集作聲

其所去也扶路有鬱陶之思非夫忠信以結之

法令以濟之易簡以業之仁義以肥之孰能順人如此
其理者乎闕皇玉冊授天金壇拜洛頌網而鶴書下闕
門而羣龍至公待制公車詔義宣室自以奇士承一顧
之恩許其正人參四率之屬乃墨制除太子右清道長
史尋加中散大夫行淄州司馬負士元之才於是拜職
遇丘明之疾從茲挂冠洛汭閒居漳濱沉錮優游卒歲
福應愆期豈惟朋友之哭將見神仙之弔享年七十有
九神龍二年夏六月十五日終於洛陽之私第冬十一

月集作十月一日歸塋於滎陽之舊集原成先志也公執

親之喪三年泣血以聞州里不亦孝乎先人餘業一物

不有以讓兄弟不亦悌乎加以賑窮紆急陽集作德陰

施惠人由已反身持物是用氣類益親聲談載路善擊

劍好投壺盡五射之妙巧窅六書之體勢此蓋行有餘

力則以參能位不充量天之命也有子曰博古曰博雅

曰嘉慶集作曰嘉徵集作曰嘉重生極其養沒過乎戚

恭惟皇考安宅靈邱盛德備乎集作卑位家風缺乎國

史代石他山寄哀詞客子產遺愛得無叔譽之言公業
不忘實有荀救之嘆式撰鴻烈垂之後昆銘曰

大君有命桓公封鄭世執王政其後不競為韓所并以

國成姓沉水截河溢為榮波荆山之阿勝氣實多高門

峩峩衮服委他猗嗟君子世一作濟其美動如義市居

成仁里鳳集文忠猿啼弧矢善政當官惟人所安救危

拯越勞而不伐大運奄忽芳留形沒高壠既封深泉又

重徑無人蹤薺苔歲濃哀哀邱隴墮淚青松

隴州司馬楊公神道碑

前人

公諱忠

集作志

誠字某弘農華陰人也厥初生人為姬伯

之祖因邑命氏有楊侯之胤其後東凌奮而開國西漢

盛而移關門廬隱隱亘連桃塞之上碑闕巖巖蔽滿華

山之下明德之後世有人焉大王父隋直閣將軍岷尉

撫豪道五州刺史邢國公諱貴大父故左衛副率慈汾

二州刺史靜公諱譽考故常州刺史工部侍郎鴻臚卿

金紫光祿大夫散騎常侍太子少師賜開國

集無此二字

儀

同三司上柱國鄭國懿公諱宗敬若夫家聲代業累德積仁故以克隆前統光啟來葉矣公稟純嘏之粹靈漸軌物之名教端操以正己崇讓以與人厲精以探道善問以毓德學無不達藝無不周成童有傾矚之望既冠為宗匠之表年十三調太宗集作常挽郎尋補潞王典籤大夫門子執紼橋山王國詞人曳裾睢苑皆一時之選也明慶中詔郡國舉賢良公對策天朝無能出其右者遷太子通事舍人再舉高第徙國子監丞坊監清流才

地擇東朝東帶銀榜增華西序影纓環林益潤高宗接

千載之統嗣百王之業封岱岳禪云亭稽於舊章俟茲

通博乃除公禮部員外郎祠

集作祀

事克明大典欣叙建

邦分職得人者昌吏曹居六官之首求郎盡一時集作之

妙又轉公吏部員外郎準的文昌羽儀丹地丁太夫人

憂去職公至行純篤幾於滅性雖杖經外除而四瘠加

等門人記其喪禮天子憂其死孝服畢授幽州三水令

曳尚方之烏鳴單父之琴志道不矜其大才勤政無陋

其小邑善聲流於幽薈惠化在集作於周原又應文擅

詞揚舉策試天下第一敷陳聖謨啟沃明主究天人之

際建皇道之極如有用我者其為東周乎朝廷納賈生

之言排汲直於外乃拜公隴州司馬未及赴官邁疾卒

於長安之私第春秋若干王祥未施於邦政陳寔近疑

終集作於邑長位不允德其如命何神龍初中宗克復

丕業格於文祖迺賸從臣緬懷先正以公二子在章綬

之列遂追贈公使持節秦州諸軍事秦州刺史非夫立

言不朽陰德陽報安有邈諸孤而崇集作隆家既沒世而

榮號哉夫人天水趙氏殿中監武權公某之子集作女也

受訓公宮作合君子言容賁於國史德行循於法度六
姻之內宗焉始有輔佐之力卒延門戶之寄初公之捐
館也九子呱呱哀縗喪位賴夫人是顧是復日就月將
徙宅依仁闕門成訓三十年內八子登朝庭交虎綬之
華門接魚軒之軫某年月日封梁國太夫人景龍二年
五月七日終於長安之延壽里間者遭家遷播几筵靡

托而今蒙國昭洗情禮獲申以先天元年十月二十五日合塋於少陵原禮也第二第三子夫人在堂而沒長疑子第八子夫人在殯而亡今並列於塋兆用嘉魂魄

長子故兵部郎中子前衛將軍此永懷徽烈思勒銘頌郎中昔嘗緒言意感延州之許將軍今復哀託情深舊

館之悲高跡難名短詞草隸採諸故老恭存梗槩云

集無

云其詞曰

昂昂揚君秉心淵懿太河靈岳會光毓粹學少妍精文

道逸思行為時範言為故事存蘊令德沒揚虛位慶善
克家哀榮乃備嗣姑稱妣敬妻曰冀復有母儀千載一
致貞墳土隴同封此地芳烈悠哉金生碑字



文苑英華卷九百二十六

欽定四庫全書

集部

文苑英華卷九百二十七至九百二十九

詳校官庶吉士臣龍廷槐

助教臣常循覆勘

總校官進士臣朱鈔

校對官助教臣蔡鎮

謄錄監生臣鄧洪繼

欽定四庫全書

文苑英華卷九百二十七

宋

李昉等

編

職官三十五

別駕判官附

高平別駕權幼明碑一首

曹州別駕張無擇碑一首

嶺南節度判官宗義仲碑一首

故朝議大夫高平郡別駕權公神道碑

獨孤及

開元天寶之際玄宗始以八柄付三公由是台司得專

其廢置其中或因寵憑位集作憑懼天下有異已者諸

附離之者皆出入三臺若公才令名以望見憚則稍稍

優其俸而黜其職故天水權公幼明由新安令為絳郡

司馬高平郡別駕而沒同於道者皆竊歎之是歲天寶

六載秋八月也沒後二十有二載歲次己未春二月返

塋洛陽故塋夫人新鄭縣君滎陽鄭氏祔焉縣君某官

某之孫某官某之子十字集作某縣某以仁儉好禮輔

官某之孫某之子

佐懿德柔明之風訓齊閨門壽六十五大歷二年十月

某日終於丹陽初公娶於博陵崔氏生子曰驥而終新

鄭以繼室生四子曰馱

集作馱
下同

曰申曰器曰舒不幸短

命驥馱申器悉忠信好學善屬文位未顯而令名歸之

慶之垂訓之流也至是既卜宅兆驥等懼日月逝集作逝遠

後裔不知先人之德善謂及忝聲華

集作聲華

之舊故使錄

而銘之云公諱胤

集作胤

字幼明隴西天水人也權氏之

先出於顛頊其遠祖殷武丁之少

集作小

子生而有文在

其手曰權因以權受封且受集作焉至周為楚武王所

滅國除其後有仕隴西者遂家於天水歷漢魏晉宋間

子孫世為都尉郡守至裔孫翼與王景畧同佐符堅官

至僕射翼生二字集作後景宣景宣生士玠並知名於

時士玠生萬春歷華州刺史封千金縣公華州生集作

右領將軍曰文獎領軍生集作永興令曰懷育公永興

之嗣也奕葉之明德粹氣叢乎其躬故融而為仁行播

而為文學童子時舅氏崔湜奇其文嘗謂有何無忌之

似其鄉舉也考功郎中蘇頲拔諸羣萃之間連尉湖城

汾陽新繁渭南河南五縣開元二十三年拜監察御史

會監祭太廟先時同集有事者約相與偕赴及將赴祭

約者有故不至遽不暇告公曰人約我矣豈可先已而

後信乎遂不赴坐是降為河南府法曹君子義之初選

部舊制每歲孟冬以書判選多士至開元八年乃擇公

廉無私工於文者考校甲乙丙丁科以辨論其品是歲

公受詔與徐安貞王敬從吳鞏裴肱李宙張恒集作燁等

十學士參焉究其升獎皆當時才彥考判之目由此始也于時天下無兵二十餘載縉紳之徒用文章為耕耘登高不能賦者童子大笑公攘臂其間以仁義為己任

片詞隻字動為學者所法時輩榮之而居家清方惟德

禮是仗潤身飭吏不過經術不矯持操以媚貴游

二字集作

媚貴游倖行威作福者忌之由是官徙而階不遷從法曹數

歲而後有新安之拜及至歷降郡安平任愈疎遠安貞

守中一作中正未嘗易方虛舟其心與位升降春秋六十四

而終蓋道之行止與時不并論者以漢梁叔敬桓君山

為比公所著文二十卷其立言之宗趙郡李華嘗

集無字

編而叙之矣

此

無字

若世系事業則書諸文其文曰嘔兮

權公有德有言忠恕廉清道直而溫行有餘力足言斯

文居高躋績勤約是守與明與信寧黜無

集作不

苟跡屈

志申義彰身後再政游學左詩潘詠風流遺烈足以遺

子九原與歸末由也已

曹州別駕張公神道碑

集作故通議大夫和州刺史吳興郡張公神道碑

白居易

張之為著姓尚矣自漢太傅良侍郎肱晉司空華丞相
嘉以降勲賢軒冕歷代不乏肱避地渡江始居於吳故
其子孫稱吳郡人嘉以孝悌聞於郡故其所居號孝張
里嘉之曾孫裕在宋為司徒即公五代祖也司徒之孫
儔在趙集作是為吳郡都督即公曾王父也台州臨海令
諱鷗即公大集作王父也袁州司馬諱季集作孝績即皇考
也或以人物著或以婚集作關闕稱迄今為江南右族公

諱無擇字無擇未冠丁袁州府君憂廬於墓晝號而夜泣者三年矣有靈芝醴泉出焉既冠好學能屬文從鄉賦登明經第應制舉中精通經史科補弘文館校書郎調左金吾錄事換一作投杭州錄事參軍在杭州前後詰偽制吏者三十八人駁假年侍老者三千人舉而正之人伏其明會劉幽求來為刺史舉課上聞詔授絳州錄事參軍絳之郡丞有主婚者估寵侮法豪奪人利公數其罪露章奏之章下丞相府丞相姚元崇奇之致書褒

美尋改太原府功曹參軍給事中張昶為江淮安撫使

表公正直奏署郡部一作從事吏部尚書陸象先為河東

按察司使狀公清白奏授懷州獲嘉令在獲嘉以不茹

柔得人心以不吐剛得罪繇是左遷鄂州司馬移深州

司馬轉虢州長史時上方思理詔求二千石之良者時

宰以公塞詔擢拜和州刺史公在郡奉詔條卹人隱而

已不知其他無何水潦害農公請蠲殺籍之捐者十七

八時李知柔為本道採訪使素不快公之剛直密疏誣

奏以附下為名遂貶蘇州別駕幼艾

集作老幼

攀泣而遮道

者數百人宿信方得去移曹州別駕歲餘謝病歸老於

家天寶十二年正月二十八日終於東都利仁里私第

十二載

集作某年

二月十二日塋於河南府伊闕縣中里原

享年八十三噫公生天地間八十有三年可謂壽矣其

間當明皇帝馭天下四十有五年可謂時矣有其才得

其壽逢其時然職不過陪臣秩僅至郡守凡所貯蓄鬱

而不舒嗚呼其命也夫公之文學嘗為賀知章賈彥璿

許之公之諒直嘗為李邕張廷珪稱之公之政事又為
劉姚張陸推之夫以八君子之力援之而不足以一知
柔之功推之而有餘阨窮不振以至沒齒嗚呼其命也
夫古人云道不虛行又云其後必有起集作者故公之

子大理評事誠以節行聞於時公之孫戶部侍郎平叔
以才位光於國報施之道信昭昭矣不在其身即在子
孫相去幾何哉長慶二年某月某日平叔奉祖德揭而
碑之四字集作碣之居易按據家狀序而銘之其詞曰

有木有木碩大而長破為桶棧擬作不作棟樑有驥有

驥規行矩步辱在短轅不駕大輅嗚呼噫嘻公亦如之

將時不遇我而我不遇時勿謂已矣天錫多祉既賢其子以濟其美又才其孫以大其門苟無先德孰啟後昆

嶺南節度判官宗公神道碑 豆盧誥

夫工文者或懦於勇烈善武者或昧於政理徐則失於斷疾則寡於謀至若文而有勇武而有政徐而能斷疾而能謀者公有之矣公諱羲仲字羲仲其先南陽人也

高祖出宰榆次因家太原昔宋襄公之母弟教仕於晉
至伯宗為三郤所害州犁犇楚其子家於南陽以王父
字為氏公其後也遠祖均東漢為九江太守累遷司徒
六條分而千里雲行五教敷而四方風動厥有成績罔
或不臧自東漢迄於聖代英賢間發吏牒詳焉曾祖隋
雍州牧鄱陽將軍諱義國之選也烈考皇靈州錄事參
軍諱良獻人之望也皆績成前緒垂祐後昆秉德不回
世濟其美公則靈州府君之仲子也允武允文惟忠惟

孝卅歲失趨庭之訓絕漿有類於參乎弱齡喪倚門之
慈泣血不殊於柴也曾未弱冠克自激昂不安顏子之
貧遂投班生之筆乃慷慨而言曰文武不墜在人弘之
遂從安思順破魚海敗五城授上柱國又從哥舒翰破
吐蕃收九曲前後討伐稠疊勲庸累遷游擊將軍左武
衛中郎將暨乾元中秦州防禦使都督楊公公之懿親
邦之碩德也懷郭有道之深識行祁大夫之內舉以公
才兼文武德備剛柔表為司議參軍尚賢也至上元初

楊公為同州刺史又表公兼韓城令當縣團練使任能也撓搶未攘獫狁孔棘既因之以師旅又加之以饑饉寇盜蟻聚於我疆黔黎烏散於他境城壁頽圯鄽戶閉隳嗷嗷彼方望公如歲公於是完城郭修器械均賦斂峙糗糧城郭之完也則蠹長雲以倚天器械之修也則騰勁霜以撲地均乃賦則流人不召而來峙乃糧則軍士不戒而備農狎於野商復於肆去其煩苛敦其簡易曾不期月而人知所庇解印未幾朝廷多之遷澄城令

無何楊公拜御史中丞嶺南節度乃諮參公謀授以參
軍時宦官呂太一怙恃寵靈凌虐神主前節度張休為
之棄甲公於是稽韜畧演遁法算之以孤虛考之以風
角潛軍間道克復舊藩甲士不勤而克黨殲矣所謂不
戰而勝者也乃大貢方賄丕叙庶績朝議嘉焉授大理
少卿且監察御史仍充節度判官懋賞也棘署亞卿表
其赤心而刺外栢臺柱史俾其白簡以正邪方將振翼
南溟竭誠北闕曜威靈於象郡布渥澤於龍川豈上天

不惠降此大戾閱水去而不留藏舟淹其長逝以永泰
三年四月六日寢疾捐館於上京務闕里第春秋四十
有二以其年五月十八日塋畢陌原禮也公之元昆曰
夷仲早世而殞公之季弟曰昌仲為光祿寺丞撫孤追
往號慟靡及唯公禮以檢身忠以奉國其事上也敬其
臨下也簡御衆以寬撫孤以義率性而仁愛及物因心
而孝友過人從官之祿利散霑於疎屬承家之資產悉
付於同生宗族之所嗟稱寮友之所景慕者也夫人昌

黎郡君豆盧氏太原交城令元偉之孫寧州真寧尉廣
洽之女也調諧琴瑟志厲冰霜施衿結縞作嬪君子婉
嫕淑慎宜其家人伯道無兒豈獨悲於晉史共姜誓死
寧專美於衛詩痛失翼於凌虛思招福而遺有終願削
髮禪寂納衣空門愍幼女之未嫁抑深心而少止歲月
逾邁陵谷有遷願播芳猷紀之貞石詵也不佞知其為
人哀彼譚公念茲歸祔乃為銘曰

於穆君子問望不已文武並茂忠孝兼美德所立兮奕

奕韓邑嗷嗷疲人命公為宰厥政維新化所及兮小臣
不帥肆虐荒裔師徒不勤渠魁自殪資令謀兮聖朝懋
賞俾崇乃秩卿月照庭堂霜輝質沐鴻休兮天地不仁
殲我邦彥百身莫贖孰不興怨行之積兮孀妻孤女魂
斷骨驚爰紀貞石永播芳名美無斁兮

文苑英華卷九百二十七

欽定四庫全書

文苑英華卷九百二十八 宋 李昉等 編

職官三十六官

趙州錄事參軍陸孝斌碑一首

玄州司戶呂處真碑一首

瀛州司戶李府君碑一首

趙州錄事參軍贈齊州司馬陸公神道碑

張說

公諱孝斌字順姓陸河南洛陽人也其先帝嬀啟姓陳胡立族敬仲之孫有齊國宣王之弟封陸卿蓋命氏之所由興也秦并諸國陸氏分適燕吳在燕者魏文成帝時東平成王俟生平原簡王麗重世濟美為國之華公即簡公七世孫也曾孫彥昇北齊以文藝高選任秘書郎以至德表所居號終孝里祖玄亮隋鷹揚郎將父淳感盤桓利貞弓招莫進同志誅行謚為惠康自成簡至惠康

集無此六字

孝弟仁義世不殞矣公誕靈沖和稟識高

朗簡而中禮易而達節篤學勵行著實飛聲文史者宗其淵府德行者仰其墻仞舉國子明經選絳州參軍始

州司法

一作德安府法曹

其在官也示人親其親長其長不苛

察而小無廢不皎異而大有成知識日明嘗愴如也喪親過哀因中風廢卧疾累年不赴楚邸肇封大羅雲逸

雖沉疴未彌而僉望允

燄作

歸授楚王府兵曹參軍實

有躬降師賓之禮目繫儀型之訓府罷換趙州錄事參軍以病去職聖歷元年匈奴入趙公危邦不處盡室以

行望河南而將濟至黎陽而疾甚年六十有二月丁未終於姚村之逆旅歸殯於滏陽之郭北光天二年皇帝踐祚以故吏贈齊州司馬惜哉用公之道行公之志上可以存三光下可以平九土存則位不充其德沒則榮不逮其身命矣夫夫人范陽郡太君盧氏故岐山丞元瑾之女恭儉之德備貞信之教興妻道母儀自家刑國享年七十有六開元六年十一月丁未終於洛陽之宣教里八年五月丙子合塋於漳北之神崗禮也初咸

亨中王師征遼公參是軍事友人太原王守義遇疫於海東路艱寇阻兵危勢急公獨顛沛致喪歸其井邑其在安州朝廷以公精達法理乃命覆囚劍南梁岐寃繫動盈千百丹筆所詳十全八九其捨生徇義返已施仁皆此類也禮莫重乎飾終於是見其不朽矣善莫大乎餘慶於是知其有後矣四子伯玉仲容叔獻季良泣血銜恤視天若墜俾予作頌式昭遺懿銘曰

曠哉陸公覩輿臻妙文雅外炳清明內照從政本仁資

忠移孝不言而理正身作教才何富之命何負之居喪
柴毀遭疾棲遲垂彼雲翼落此盛時歿後榮進終延贈
寵德之休明位匪為重嗟嗟千載賢士之壠

玄州司戶參軍贈慶王友東平呂府君碑

張九齡

夫官雖序賢志道者不常有位才雖屈命福善者未必
無後子夏文學之達以為富貴在天于公決獄之平則
云子孫由我蓋不享當代生數猶奇流慶後人玄體乃

用亨之會也則盖有無

集作原

焉公諱處真字虔永

集作求

東平人曾祖北齊幽州長史府君諱贇祖隋貫州中正

府君諱伽考滄州清池令府君諱師昔伯夷在唐實典

三禮四嶽佐禹用平九州虞夏以功而逮

集作見

封申呂

因邑而命氏惟時厥後奕代丕承公正性之有自來直

道之不充詘嘉勇退之為懔

作懔

德避近名之未善

集作然

越在弱齡棲遲事外用光本於藏耀履行期於滅迹不

遠於仁行之斯至不苟於義方之自正

集作止

佐一郡而

即安居九夷而匪陋如不然者公何掾於東裔哉起家授玄州司戶參軍晏如也言旋初服遂從所好外物之槩不雜於風塵遠子之言惟聞於詩禮所謂溫良淑慎無競伊人者歟天冊二年夏四月遇疾終於家春秋五十有二開元四年冬十一月葬於邑城西南四里原夫人北地傅氏祔焉夫果於立誠靜以俟命力不足者則不疲運不至者則不憂物情之難及我而易是以名利衆之所欲也則澹泊之德義人之所鮮也亦克蹈藉之如此而

神不勞福不流未之有也有四子長曰玄知今左威衛

司戈次曰玄悟中散大夫使持節鄜州諸軍事守

集無此六

字鄜州刺史次曰玄智左威衛執戟次曰玄爽左衛長

上惟玄悟至大官此其教忠有舊服義無斃好爵是興

集作與餘慶所貽入為王門之長出居邦伯之列屬恩推

子貴名彰身後事有光於冥漠德乃發於馨香三命為

大夫百代稱先子孝理所賜邦族為榮開元十七年有

制贈公慶王友夫人贈河間郡君累仁

一作人

之符至是

斯驗惟神之鑒謂之不欺公之女孫曰東平郡夫人冠

軍大將軍右監門衛大將軍渤海高公之夫人鄜州刺

史之女也冰玉相暉椒蘭同馥由福履於君子與吉集

嘉會於善人齊姜于歸魚軒晁以昭路廊時之往熊軾

殷其若雷有車服而始大履霜露而追遠於戲食于舊

德無念集作爾之奉先樹之休聲有以見其歸美銘曰

赫赫我祖惟師尚父泱泱大風悠悠終古施于肩裔憲

是文武我美其濟我則斯取雖匪高位亦惟碩德我王

之友彼夫之特既貞且亮宜語而默投足皆安終身不
忒峩峩積善以福後人肝鬻家慶煒煌宗姻瞻彼松楸
光錫集作之絲綸今也追飾實為先臣先臣伊何宜其有
後志之所尚義無所苟身雖既沒名豈虛受立德于茲
亦云不朽

故瀛州司戶參軍李府君碑 前人

君諱某字某趙郡房子人祖山壽齊尚書右丞兵部郎
中父仁瞻朝散大夫果州長史世德所載見於先碑公

懿烈無忝雅有風度

集作度量

體和而韻緝之以絲性婉而

文受之以采故好學不倦而墳典必精慮善以動而規

矩皆中悉心存乎道義餘力見乎文章人以善談日聞

休譽弱冠舉進士調補同州參軍換瀛州司戶參軍以

素所履以施有政居獲乎上往得其中無不嚴祇長史

之所嘉歎無不崇讓同官

一作年

之所厭服宜爾戩穀光

昭令圖如顏子之不幸豈卜商之云命某年卒於官舍

春秋若干公家世尚儉子孫是式初先大夫之喪也清

白以遺而果無私積高燥

一作標

是榮而庶有慶餘豈所

謂不戀本達也無懷土以重遷不傷生仁也無困財以

遺

集作乏

非夫然趙之北際何必故鄉許之東偏亦云樂

國故喪之歸也遂寔於斯及嗣子察受教養方能纂德

業服事華髮潔身清朝天子方差擇其良惠恤于下由

是解印少府剖符大

集作本

州衣繡而歸雖榮之在畫重

茵以立而悲不逮親結諸心形諸色孝子之志國人所

稱於是乎歸美以揚先讓德以示後蓋蒸夷之義也得

無述焉銘曰

倬李侯世載德行時範言士則三英粲

集作發非

百夫特肥

而家華而國美無度命不融足云

集作方

駛途斯窮子餘

慶享次嵩我丕馴諷遺風

文苑英華卷九百二十八

欽定四庫全書

文苑英華卷九百二十九 宋 李昉等 編

職官三十七 縣令

益州溫江縣令任晁碑一首

原州百泉縣令李楚材碑一首

益州溫江縣令任君神道碑 楊炯

漢丞相之尊官大位乘車集作滿於十人齊景公之利

用厚生有馬盈於千駟羽旄冠劍擬金鳴玉壘其前苑

圓池臺清歌妙舞喧其後崇高在於寵祿大欲存於食
貨義然後取橫玉帶以當仁道不虛行坐鹽梅而自得
若乃時之不與數之不通貴賤任於天窮通由於命左
太冲之詠史下寮實英俊之揚嵇叔夜之著書賤職為
老莊之地雖復勢力以高下相懸尊卑以商周不敵孔
宣父中都之小宰幽厲多謝於陪臣陳仲弓太邱之一
官公卿有慙於縣長是以德成者上道在斯尊陶潛則
安枕北窓言偃則鳴弦東武抑揚足以儀四海顧盼足

以破三軍代有人焉於斯為盛集作斯為盛矣公集作君諱晃樂

安博昌人也其後因官遂家蒲州之永樂天子令德軒

皇為誕姓之源諸侯計功薛國在宗盟之後西京執法

則有御史大夫東漢循良則有會稽都尉任光鄉里之

忠厚任隗朝臣之鯁直益州按華陽志任文公智士仕益州英華作淮陽非從

事術數知名臨海真人清貞克已况乎東西海岱強齊

九合之都表裏山河全晉三分之國車馬雷駭衣冠鼎

盛盟書百代可謂功臣遷徙丘陵實惟豪族曾祖顯祖

熙考憬並策名天爵獨步人師懷素履之幽貞保黃裳
之元吉張家碑碣荊州有七代孝廉荀氏鄉亭潁川有
八人才子君外資剛健內育文明合千載聖賢之間鍾
五行金木之秀王恭濯濯春柳懷風和嶠森森寒松列

集作

景有曾孫之孝有史魚之直有子夏之文有冉求

之藝先王德行固名言而在茲大聖溫良亦顛沛而於
是當朝一見許其王佐之才行路相逢知集作其美人

之贈解褐為家令寺主簿天王太子之位赫赫前星天

地長男之宮嚴嚴

集作岩岩

左闕出身事主元良永固於萬

邦束髮登朝七鬯不驚於百里秩滿授將作監主簿千

門萬戶張華窮壯麗之圖東主西賓班固致

集作盡

謳謠

之實

一作致

職集作實

掌宮觀是名將作大司馬桓溫之府

績用在於元琳大將軍竇憲之曹文章寄於亭伯累遷

右衛長史南京左掖上將陪藩北落師門天軍列衛東

觀漢記梁統有清白之名中興晉書薛兼有恪勤之譽

詔遷朝散大夫行益州溫江縣令華陽西極漢水東流

背面通秦越之鄉左右夾巴涼之地風煙可接懸車東
馬之山雲物潛通織女牽牛之象神仙所宅則有二十
四居途路所經則有五千餘里金城石郭還聞上代之
風國富人安時聽中和之樂於是乎龍泉獨斷龜旄旁
求品命千名封疆萬戶暫過云亭乘軒之望可知且詣
中軍理劇之才有屬旌孝悌勤農桑省徭役存鰥寡所
以一縣稱平所以百城尤最蕭育是杜陵男子不入後
曹黃浮非鄉里所知不寬同歲洛陽行馬門士無心齊

國池魚權家絕望鄭丈公邵陵之縣但稱男子之名師
尚父灌檀之鄉唯有神人之哭實謂樞機八座上下三
階豈惟縛柱鞭絲操刀製錦巫馬期之任力弊起

集作因

乘星鍾離意之悅人災生解土享年五十有九以鳳儀
二年六月二十五日卒於官第夫人姚氏徵士神人之
女也壽邱僂葉媯水靈苗定姚信之機衡審姚光之術
藝明星燄燄不臨太邱之前暮雨沉沉不散巫山之曲

婦人謂嫁曰歸

集無此二字

女子有行織絰組紉棗脩榛栗

南斗千齡之匣忽愴沉江北方三代之儀終悲其穴先

以咸亨三年七月二日終西京翊善里之私第越儀鳳

三年冬十一月一日

集有作字

歸祔於永樂縣歷山之平原

卜虞芮之間田帶關河之設險居人致祭同

漢書作

鄉有

朱邑之祠怪力成墳葉縣有王喬之墓君燕趙奇士神

仙中人容貌魁梧衣冠甚偉揚子雲之窮巷好事來遊

段干木之閒居通侯展敬自陳力就列居家可移妾本

絕於織蒲馬無聞於食粟原子思之厚秩徧給鄉人孔

文舉之中樽延留坐客加以徧備集作觀國史尤精釋教

夢幻泡電知一切之皆空園林貨財見三陽撰作之已

淨遭時命作屯坎浮生蹇剥佳人不再苟奉倩之傷神

赤子無期潘安仁之慙慙天乎到此命也如何及其瞑

目少城歸懷舊壤平原古樹唯餘孺子之墳春露秋霜

非復皋繇之祀於是鄉隣作主朋友加麻撰德銘之於

素表集作披文刻之於翠石魯哀公作仲尼之誄天不

慙遺蔡伯喈為有道之碑人無媿色其銘曰

軒帝之族漢朝之臣西州智士東海真人豪傑天縱衣
冠日新實生其德必有其隣道在為貴知機則神氣衝
南斗價直西秦大蒙集作之信太平之仁辨窮非馬學

究成麟孝友為政觀光利賓重朋比德少海為春宮室
之象南斗集作北辰甲兵之衛閭闔鉤陳山控金馬江

迴玉輪天文井絡地紀梁岷庭前置水甃内生塵園蠶

有繭集作續野雉來馴時命屯蹇生涯苦辛實叙虛集作靈

贈玉樹長淪厚集作輔德無輔清集作親仁不親百年天枉

集作性

一旦歸真雷鳴之下長河之濱旌旃委鬱徒御逡

原州百泉縣令李君神道碑 前人

金城裂地之灾玉弩驚天之禍蹴崑崙以西倒蹋泰山
而東覆三微厯數盡薰歇以聲一作星非沉萬國衣裳咸土

崩而瓦散是故殷憂啟聖聖人騰海岳之符草昧興王

王者受風雷之趾

集作社

則有思窮圖讖潛觀赤伏之萌

識洞機祥暗察黃星之兆天懸兩日詢去就於河宗地

震三州考興亡於柱史危邦不入亂邦不居剪荆棘而叩天門臨壇場而對休命及其玄黃再造日月重輪功成而不居名遂而身退南華吾師也親居賤職東方達人也安乎卑位然後武城絃唱優游禮樂之中彭澤琴樽散誕羲皇之表雖杜當陽之文武蘭菊猶集作恒存而薛孟嘗之池臺風煙遂歇悲夫死生命也貴賤時也用之則行舍之則藏出處者君子之恒務左右之攸宜吾聞其語矣今見其人也

君諱楚材衛州衛縣人也昔統樞神電軒轅氏之馭百
靈貫月祥星顓頊氏之臨四海金科作範商邱有帝系
之雲玉扎披圖幽谷有真人之氣由是公侯策命歷千
載而彌昌鐘鼎歡娛經百王而不替豈直將軍列位孫
吳暗合之兵協律當官天地冥符之樂若斯而已矣曾
祖裕後魏東宮舍人太子洗馬使持節徐州諸軍事徐
州刺史燉煌郡開國公贈兗豫二州刺史真城西望高
闕東臨非無置驛之歡實有前軍之寵瑯琊負海八門

都督之榮王彰潁河百代封侯之貴大父昌北齊彭城
王府中兵參軍事隋濟陰郡丞襲封燉煌公文場筆海
焰爛等於星辰班固談叢鏗鏘叶於風雅九千里之丹
鳳始踐王門七十日之黃龍初階郡職考孝友隋晉州
岳陽縣令顏回稱太平王佐一作月角殊姿仲由稱禮
義霸臣星奇一作衡詭狀唐都晉野有恒山太嶽之風墨
綬銅章有錯節盤根之化若夫于公之宅駟馬爭驅辛
氏之門五龍齊駕英靈不已還當命代之期將有後徵

集作物
相有徵克保承家之業東郊競日探秘跡於機衡西蜀

談玄測靈心於造化雄才壯思首九奏而和八音殫一作

廣見洽聞披五車而接讎作三篋加以興居禮樂出入

孝忠簡於一人備於萬物弓旌疊湊始命賢良幣帛交

馳載徵巖穴從微至著濫觴萌括地之波積小成高覆

簣漸排雲之構隋大業十二年補謁靈集作臺散從員

外郎非其好也屬千三否運百六災年諸侯窺王昀之

尊天子厭金陵之氣蚩尤則命風召雨桀黜於中州共

工則折柱傾維崩騰於海縣能扶天下之危者必據天下之安能除天下之憂者必享天下之樂我高祖神堯

皇帝所以從人望宅靈心鎮

集作振

天闕迴地軸鼓聲雷

駭親張霹靂之威旗羽星懸手握招搖之柄君冲情索
隱妙筭知來候東井而考前聞裂西河而尊故事扶三

畧之奇謀蘊六韜之秘訣

集作上畧中畧奏山石之奇
謀文韜武韜奉川璜之秘訣

義寧二年授車騎將軍累加開府武德五年遷右衛二

十四府右車騎將軍仍於

集作弘

州鎮守皇階甫闢猶

勞尉候之虛

集作靈

天步初夷尚有風塵之警示之以文

德陳之以武功所以夜

集作外

戶不扃所以重門罷柝六

年轉中山府左列南州

集作巴

舊俗淫其白獸之祠西棘

餘叱背我黃龍之約王師直進陵劍棧以長驅廟畧遐

宣指銅邱而決勝七年詔君討襲楓天棗地金門玉帳

之營方卦圓著剡木弦弓之射以此衆戰誰能敵之以

此攻城何城不克雷出而星曜龍騰而鳳飛一鼓而擒

四姓三戰而平百濮大夫耆老非唯二十七人拓土開

疆豈直五千餘里返行飲至捨爵策勲馬禮也其年加

上大將軍賞口十六人并良馬一疋而俄以爭功得罪

游俠從君

集作居

特降王綸遐遷滕府通塞有命潘安仁

之緒言富貴在天卜子夏之餘論無諂集作階封禪空歎

息於周南絕望夏

集作靈

臺竟棲遲於漢北太宗文武聖

皇帝承聖皇之大寶奉天帝之休期雷雨八瀛光華四

極旌賢赦過惟新之命屢覃念功簡勞惟舊之恩累洽

貞觀元年授長樂監仍命

集作令

於北門供奉宜春禁苑

太液神池浸石菌而揚波擢金莖而挹露南經丹徼恒

陪萬乘之遊北統濼

集作

黃山再奉三驅之禮當是時也

穆穆焉煌煌焉濟濟焉鏘鏘焉一陰一陽而有序自南

自北而無外猶復中宵不寐殷勤多士之林是景忘疲

渙汗非常之辟十四年應詔四科舉射策登甲第明於

國家之大體達於人事之始終可謂宰相之璞

集作朝宰之璞

可謂皇居之寶漢朝

集作洛陽

才子承宣室之談魯國儒士

行踐中都之邑尋授靈州鳴沙縣令累遷原州百泉縣

令科通紫微却負黃州涼秋九月寒沙四面平雲匝隴

處處而秋

集作愁

陰圓魄低開蒼蒼而夜色君乘輜演教

佩紱臨人德被三城風移五縣抽琴命操還臨單父之

堂擊石飛鳴

集作聲

即對李泉之學明以御下將水鏡而

通輝清以立身共水壺而合照神行有感方登玉鉉之

階靈化無方獨歎瓊棺之墓春秋七十有一以顯慶元

年十二月八日終於官舍君年十一丁

闕

艱朋友相哀

家人不識昔稱曾閔今日荀何近古以來未之有也隋

郡東曹掾江溢見而歎曰此真可謂保家緯化嗟尚者
久之大業末年皇綱漸紊不掃一室自懷包括之心獨
守太玄且忘名利之境于時魏特進房僕射杜相州等
並以江海相期煙霞相許付同心之雅會訖刎頸之良
遊或閉戶讀書累月不出或登山涉水經日忘歸斯賢
達之素交盖千年之集作一遇洎塵埋五岳海沒三山
辭殷而奉周背楚而歸漢深謀遠慮即良平無以加也
行軍用兵則韓彭不能尚也數奇命蹇一作遂無望於

高門日往月來竟消聲於下邑情均寵辱則萬象同歸
跡混彭殤則百齡俱盡浮生若寄大漸彌留遺誨子孫
庶幾薄塋等梁鴻之宅兆邈矣侘鄉符祭仲之高居依
然新鄭唯仁與達君其有焉存榮歿哀此之謂也即以
某年月日塋於某原夫人廣平宋氏齊尚書左丞士順
之曾孫隋建安郡司法長文之季女霜淒月瑩菊艷茗
華淑問秀於閨房柔風洽於詩禮琴前鏡裏孤鸞別鶴
之哀竹死城崩杞婦孀娥之泣

集作湘
妃之怨

長子金河府校

尉上柱國輔仁等十輪方駕萬石駢衡窺上帝之兵鈴
入先王之冊府指蒼天而永訴血不需襟對白日以長
號悲來填臆於是總麻執友素蓋賓朋傳祖德於高陽
考豐碑於太學庶使城隍一變猶知鄧文之名陵谷三
遷尚識鍾繇之字其銘謀作曰

玉斗之英瑤光之精巡河并洛握紀提衡柱史論道將
軍用兵陸離簪紱奕葉公卿嶽牧騰譽弦歌有聲階蘭
疊影巖桂增榮山澤通氣風雲表靈凝脂點漆月角珠

庭白玉無玷黃金滿籛忠為令德孝實天經朋友千里

煙霞百闕琴樽野尚松竹山情數屬郡海時逢闡星黃

龍電震白騎雷驚赫矣高祖元亨利貞聖人有作天下

文明自北提劍因茲間行攀鱗北海附翼南溟水火之


陣孤虛之營左提右挈東討西征巨猾斯斬元克載清

功符衛霍思若良平自滿集作人損居中忌盈蕭條異

縣坎壈浮生降以中旨賓於上京陳書詣闕對問揚庭

山連雁塞野接龍垆朞月而已三年有成波瀾不息箭

刻無停梁木其壞高臺已傾闕雲斷絕隴鴈飛鳴頽雙
鳧於葉縣踟四馬於滕城



文苑英華卷九百二十九